

道法會元卷之二十一

堅元

玉宸經鍊返魂儀

告信香符啓告

恭聞靈寶談經廣演度人之法宗師立教弘
推濟世之心今古蒙恩幽明荷澤

具位_臣恭 上啓

虛元自然元始法王至真天寶玉宸大道至
真靈寶道德高尊至真神寶祖師玉清真王
南極長生大帝玄師上清華王東極青華大
帝真師太清韓王好生韓君丈人朱陵大帝
十方靈寶救苦天尊九天生神上帝五方五
老上帝三十二天上帝真元妙化上帝紫宸
太華天帝玉虛明皇道君東華木公上相西
靈金母元君上清黃籙院三佐真君丈始妙
道真人太清明慧真人大慈救苦二玄真人
清微三炁九霄符章經道雷帝天君靈寶三
洞四輔經籙高真東青西素南丹北玄四維
上下十方已得道大聖衆神霄內外臺東極
善政院衆魂五總府南島上下宮靈寶大法
司神虎攝召局南陵樞府朱陵火府諸司真

宰鬱儀太陽帝君南上闕光度生一切真聖
南斗六司上生真君結璘太陰皇君月中黃
華石景水母流光夫人東井八宿星君天河
灌沐真人東井黃華玉女北斗七元落死星
君玄冥紫光太一夫人上清五行四曜星君

周天列宿萬象星君三元三官大帝北極四
聖真君祖師泰玄都省四相真君高元清真
紫虛元君宗師金闕昭靈妙道保仙元君瓊
室洞清郭元君福和耀真傳元君龍光道明
姚元君紫英玉惠高元君洞陽上宰華真人
青城山通慧朱真人雲山保一李真人眉山
混隱南真人丹山雷淵黃真人西山真息熊
真人秦智冲和彭真人洞淵塵外曾真人浚
儀原陽趙真人清微靈寶道德正一歷代師
真度人不死之神南極長生之君度世司馬
大神好生韓君丈人十方無極至真大神飛
天神王雷霆九司真君清淵贊玄靈華夫人
三界五天大勳魔王下方九壘厚土真皇大
帝水府樞泰大帝北陰鄴都大帝五嶽名山
聖帝地府十官真君鄴都佐理助理君水官

北斗君鬼官司命君鄴都司命司功司殺君
鄴都九獄官一十八獄官二十四獄官三十
六獄官諸獄冥官掾吏考治神負牛頭馬面
羅刹神兵京都城隍之神本府本縣城隍社
令里域正神陽間諸廟祀典百神三界十方
證盟列聖恭望洪慈垂光開度

臣聞輕清之氣上浮是曰陽明真境重濁之
氣下積斯為夜府窮陰人中三才質靈品物
自一炁胚腴之後居萬象汨沒之中返陰成
陽莫究自修之理游魂為變率為異物之儔
不覺不知愈趣愈下類

天尊垂慈於浩劫為衆生救苦於十方凡有
投誠首祈布澤入意臣領詞激切事干利濟
恪為關行以今先行攝召仰冀開明臣夙荷
玄恩叨行大法以精神制魂魄未明攝鍊之
方乘清氣御陰陽曲賜主維之造伏願救神
虎官將開北都羅鄴左太微右命靈使法力
普施於黑壤下崢嶸上寥廓莫莫光遍燭於
冥途庶俾亡幽克承召命臣下情不勝激切
俟命之至謹言

誦金光呪師存神召符

告召諸將符

道香一炷十方肅清法鼓三通萬神咸集準今飛符上召

太玄攝召左右烏塗二神君神虎何喬二大

聖三部使者七真玉女玉籙直符王陸二使

者龜臺素握濮玉女元承差將三元五道

大神追攝一千騎吏泰山城隍里社沿途山

川水陸善導等神仰遵元承事理即今攝引

修齋其所薦某魂并本門宗親及法界五道

四生男女孤魂劫亡苦癸山川竹木水石精

靈壇社祠廟鬼神等衆雲集行壇聽今攝召

告衆役符 太一救苦天尊

告慈光符師行通幽攝魂之法

十方諸天尊 其數如沙塵 化形十方界

普濟度天人 委悉聚功德 同聲救罪魂

罪魂實可哀 我今說說經 念誦無休息

歸身不暫停 天堂享幸福 地獄無苦聲

火翳成清暑 劍樹化爲鶯 上登朱陵府

下入開光明 超度三界難 徑上元始天

開通道路天尊 告破獄符

伏聞生死殊途幽明一理夫刑罰不加於君

子而地獄本爲於小人喪其良心則自速於

罪戾守死善道又何有於拘囚苟方寸之虛

靈即天堂之快樂恐從前未悟致沒後多沉

無縲綆而自羈不桎械而自梏今資惠力持

啓冥途以靈寶無量之光照冥漠重昏之境

麒麟掣斷黃金鎖命下九重鳳凰銜出紫泥

書恩疏十地誕告有衆固敢弗欽開道靈章

謹當宣演

開清長夜天尊

茫茫鄴都中 重重金剛山 靈寶無量光

洞照炎池煩 七祖諸幽魂 身隨香雲播

定慧青蓮花 上生神永安 三遍

歌斗章 告召魂召幽符

陰陽推運兮劫數更遷子順生死流芳孰

愚執賢寅輪轉無窮兮上玄造化子逆未出

三界兮歸於神變辰魁魁東兮魁魁西子轉

陽魂兮茫茫沒沒陰靈陰靈兮碌碌幽幽人

本命香天地冥兮萬鬼潛開合天地晦兮萬

鬼爽縮地之陰陽運兮鬼神享吹燭七徧應

兮上應天太乙召兮何遲遲先召後至兮律

有常中指感此徬徨兮赴我攝存神賜汝靈

書兮歸上清南午急急如

太乙玄冥紫光夫人律令

表白召亡幽高功默念

陰靈逐我攝陽魂返汝殘北斗天蓬敕玄

武開幽關通思鬱明靈官飛真普令速變

使汝現形爽靈爽靈台光幽精不得速去

開召現形三部神生八景已明吾今召汝

注神還魂疾

五行所造兮復歸於五行亥一四大假合兮

却歸於太空申或陰或陽兮任天地之根宗

天地冥兮萬鬼潛子天地動兮萬鬼爽丑

陰陽運兮鬼神享巳天一北祚召汝魂寅太

一紫光攝汝魄冥晦冥兮冥昧神不問八極

鬼與精陽靈陽靈兮來我攝陰靈陰靈兮來

我攝亡人本命決書感此徬徨兮赴我攝賜

汝靈書兮歸上清急急如

太一玄冥紫光夫人律令

二召亡幽高功默念

乾元亨利貞魄歸真五藏萬靈不受死
經回尸返神永保黃寧急急如律令
魂神澄正萬炁長存不經苦惱身有光明

復聚本形復全本神

北魁玉文布真靈子午上列五星應五行五

訣東斗聚魂功都成辰南辰攝魄切角鎮南

西靈追命與生轉兌北極召魂獨隸遠坎中

黃聚魂可轉明中指紅杏墨黑生鬼魂坎中

磨針機騰從坤現卯至靈寶藏中五斗攢卯至

中中聚魂攝魄立顯現卯至太一真人歌斗卯至

章斗急急召魂如閃電魂行攝感此傍徨魂法

步赴我攝離賜汝靈書歸上清急急如

太一玄冥紫光夫人律令

一炁生萬物萬物歸一炁吾復統一炁再

使萬物生故知一炁中不復失吾意攝召

汝真靈諦聽慈悲旨

三召亡幽存至

三官北酆 明檢鬼營 不得容隱 金馬驛程

普告無窮 萬神咸聽 三界五帝 列言上清

解冤釋結天尊

向來召到亡莽及門中姻親等眾仰承道力
已到法筵第恐曠劫以來妄認業緣尚懷執
着昔在世而有爭競今身謝而復沉迷良由

一念未忘致使多生為累吾今為汝禮請

消解冤結顯使者承宣符命咸與解除

解冤釋結天尊

向來召到法界五道四生男女孫媿因徒劫

亡苦爽山川竹木水石精靈壇社祠廟鬼神

滯魄等眾仰承道力已集法筵尚慮汝等曠

劫以來縱無明性造諸惡業貪諸所榮嗔諸

所辱遂生恚恨面是背非動致口牙盟神詛

佛始於謗讟終於詬詆由是獄訟生焉刑憲

存焉甚者私淫暗盜悔毒助兇負命欠財殺

傷闖毆三世結繫累劫與仇生死牽連不能

解脫吾今仰憑道力為汝冤魂一心禮請

消解冤結顯使者承宣符命咸與解除

告解冤符 師行解冤釋結之法

是時天人遇值經法普得濟度全其本年無

有中傷傾土歸仰咸行善心不殺不害不嫉

不妬不淫不盜不貪不欲不憎不妬言無華

綺口無惡聲齊同慈愛異骨成親國安民豐

欣樂太平

治病救苦天尊

奉白亡過未魂及莽氏門中姻親等眾在世

之日有身為患備受痺痲疾痛之災無骨可

仙曷免生老病死之苦陽間所患陰境亦然

未遂安和須資醫治吾今為汝一心禮請

天醫大聖六職治官治病功曹掌藥仙吏扁

鵠小吏飛行變化各運神功普療亡幽之病

苦復完舊日之容儀各令禮相端嚴形神俱

妙

治病救苦天尊

奉白汝等幽魂等眾雖承道力已到法筵恐

汝在世之日有身為患備受痺痲疾痛之災

受刑受傷多歷水火刀兵之難或被蛇傷虎

噬或以苦毒自戕言之不窮傷殘肢體陽間

所患陰境亦然未遂安和須資醫治吾今為

汝等魂一心禮請

天醫大聖六職治官治病功曹掌樂仙吏扁鵲小吏飛行變化各運神功普療亡幽之病苦復完舊日之容儀各令體相端嚴形神俱妙

完形復相天尊 告聚形符

說經一過諸天大聖同時稱善是時一國男女嬰病耳皆開聰說經二過旨者目明說經三過瘡者能言說經四過跛病積速皆能起行說經五過久病痼疾一時復形說經六過髮白返黑齒落更生說經七過老者返壯少者皆強說經八過婦人懷妊鳥獸合胎已生未生皆得生成說經九遍地藏發泄金玉露形說經十過枯骨更生皆起成人是時一國是男是女莫不傾心皆受護度咸得長生如產亡於此接分胎破穢符

黃華蕩形天尊

告浴魂符 化衣符
汝等泉魂形體既具神識復完各宜洗滌身心來禮慈尊妙相
東井灌黃華 石景水母精 浣魄淨陰穢

蕩形成玉嬰 表裏瑩清微 內外光華清
靈元神不昧 正炁合仙真 金童散紫烟
玉女麾神旌 五芽分五炁 三素布三雲
鬱儀纏結璘 浴之復完形 詣我玄壇下
鍊神升玉京

清靜度魂天尊

天地澄清 洗穢除塵 鍊化九道 返形太真
百關納靈 節節受新 清虛鑿映 內外敷陳
日吉時良 度命回齡 玉童玉女 為汝執巾
玄靈紫蓋 冠帶汝身 使汝長生 天地同根
百寶裝嚴天尊
太上垂慈濟 憫念在寒庭 幽魂無極窮
寒雲多稜形 惟望陽間度 功多及幽冥
一衣化無量 一服傲千生 從今盡冠帶
變化憑火精 吾今拔贖後 萬劫離苦庭

法體圓成天尊

丹羅羽衣 上清真衣 雲霞道衣 大洞法衣
五雷絳衣 六度鍊衣 八威鬘衣 九等仙衣
衣之不盡 升入無為
攝跡歸本天尊

天尊說經教 引接於得生 勤修學無為
悟真道自成 不迷亦不荒 無我亦無名
胡詠罪福句 萬福心垢清
奉白亡米魂諸仙子等沐浴既周衣冠悉備
齊謁穢濁頓獲端嚴各秉至誠恭朝大道

總朝上帝天尊

朝參 三境高尊十華上聖
朝參 三霄教主演派宗師
朝參 法籙官君齋壇列聖
罪從心起將心懺心若忘時罪亦無忘心
無罪兩俱空此即是名真懺悔
願罪消滅 願罪消除 世世生生 常觀正教
向來朝參大道懺悔罪愆汝等泉魂當知自
己三清本乎一炁唯心淨土諒不由他其奈
汝等生而不悟死亦沉迷業鏡臺前肺肝呈
露惟我
太上頽海弘深能為汝等救一切罪度一切
厄各宜發露投誠洗心悔悟罪從心起心滅
罪亡一轉移間證清淨果慎無蹉過便好進
修陰府更不拘留人天將行超化退步壇下

祇領善功

施諸法食天尊

奉白壇下召到亡魂幽爽汝等幻身易滅妄
念難除地水火風之形往日已散飢渴疾苦
之念曠劫未忘雖然如是當知汝昔大患為

汝有身身有飢虛以食為念身今安在何用
食為身有寒暑以衣為念身非汝有何用衣
為以食以衣財寶為念身既是假心即歸空
若財若寶亦將焉用今汝之所以執著輪迴
者為有貪愛念未除耳若能解空見性絕妄
歸真不著有無自然超化如或塵根不斷業
想未除見以飢渴為苦者即來享吾無碍甘
露法食

告甘露符

請降諸天道炁十方梵炁自然甘露

稽首玉清元始尊 稽首金闕虛元帝
包含造化運陰陽 極處自然無凝滯
生天生地生人倫 五色毫光隨處慈
度人無量不思議 敢仗祥光來拯濟
歸命東極宮中尊 歸命十方救苦尊

毫光徧照三千界 智慧潛通五苦門

常以廣大威神力 慈悲救苦濟亡魂

指迷惡道返歸根 法橋大度永長存

大慈无上尊

唵哩吽唏呼吒唏攝華耶九遍

天尊言食施有盡法施無窮既已到壇當先

聽法又言吾道無親疎吾眼無貴賤一切衆

生皆以等觀若有所擇是有二門吾奉

大尊教法廣運大慈大悲平等心施汝等法

食汝等亦當發無遮無碍大慈大悲平等心

若乃恃強梁而凌老弱以猛壯而欺孤幼貪

多務得不奪不厭

天尊科法禁戒至重吾今先以此法教戒汝

等各宜諦聽運平等心無我無人齊同慈愛

異骨成親見得思義互相訓導登我法筵受

吾道炁滄肌泱髓自然飽滿尚慮汝等咽喉

障礙業火焦炎今有太上開咽喉利飲食甘

露法言謹當持誦

告化食符

唵步吽唼唏唏喇嗽呼七遍

悲夫長夜苦 熱惱三塗中 猛火入咽喉

常生飢渴念 一洒甘露雨 如熱得清涼

神魂生大羅 潤及於一切

功德金色光 輝輝開暗幽 華池流真香

蓮蓋隨雲浮 千靈重元和 常居十二樓

急宜靈寶音 自在天堂遊

冷冷甘露滋 法味難思議 霽香流七真

冥冥何生狀 天厨金飯馨 玉漿名實芝

普施諸有情 億劫無苦飢 受此法食者

生天登紫微

自然天厨食 普及於一切 沉魂飢渴者

盡沾甘露味 化為靈寶漿 返陰成陽炁

惟願沉滯魂 上登清都治

浩晶生法氣 氤氳疑天中 兩曜共澄徹

五緯交相通 三光煥已明 五炁凝三宮

帝鄉會五老 咽服百骸豐 金華照光景

身與日月同 念通上聖前 萬劫受無窮

回首仰圓羅 合景挹靈芒 拘魂制七魄

思審定中央 行住禮虛無 寢息偃玄房

飢食黃藥華 渴飲瓊林漿 神真鍊太漠

合體現真光

妙道生一炁

燦然流三光

煥爛洞真炁

下入無何鄉

七竅流精結

此樂殊未央

勤修大道法

五臟結胎嬰

福惠無不遍

○ 散食

功德不思議

永生安樂道

食以濟汝飢

飽滿食非法

經法宣演各

聞經悟道天尊 諷經

天尊經教恩

於三界汝等

惡業化消永

炁中分陰陽

九華合九道

流精歸太茫

縱體復虛迹

混沌雜華房

精心感太冥

亡者生天堂

此食施眾生

○ 行者膺福報

施與法食

黃華真炁降

飛身朝上清

忽然都相忘

咽服九霞散

凝化日月精

八色照八荒

上生淵泉宮

忽然都相忘

咽服九霞散

元承將吏部領眾魂少保法筵伺候昇度

宣判斛疏

向來 回向

鍊度分胎破穢儀

監真度生天尊

適來召到血湖產亡女魂等眾生前因產育

以喪身死後墮血湖之穢獄或全產半產已

產夫產或雙胎品胎損胎墮胎午離腥穢之

鄉難近光明之境吾今仰憑

道力為汝女魂禮請玉籙直符王陸二使者

○ 神虎龜臺素握牒玉女承差追攝某將蕩血

湖腥穢大神監生催生大神合千官屬黃閣

神君紫戶大神流光玉女寶室真人三十六

真二十四神狼吏虎賁萬二千神飛行變化

各運神功普為汝等蕩除穢惡宣通胞元過

死戶而開生門下胎嬰而疏壅滯新寬舊怨

普為解釋已生未生成得生成

九天稱慶天尊

告蕩穢催生出胎符

師行催生破產之法

一過徹天胞元宣通二過響地胎結解根三

過神禮魂門鍊仙四過天王降仙魄戶閉關

五過五帝朝真臟腑清涼六過魔王伏諾胃

腕生津七過星宿朗明孔竅開聰八過幽夜

顯光三部八景整具形神九過諸天下臨三

關五臟六腑九宮金樓玉室十二重門紫戶

玉閣三萬六千關節根源本始一時生神

告九天符

向來依按女科分胎已竟尚慮眾魂久淪苦

趣精神飄蕩魂魂飛揚須憑太上之靈章為

○ 返重陰之幽爽今對道場先伸演誦

九霄應化天尊

吉符逐章次第法師請炁布注

謹上啟鬱單無量天帝降注元一黃演之炁

下為亡者攝炁聚神一如告命

混合空洞炁 慶此榮舊苗

謹上啟上上禪善無量壽天帝請降洞明紫

戶之炁下為亡者攝炁聚神一如告命

無量結紫戶 一切稽首恭

謹上啟梵監須延天帝降注長靈明仙之炁

下為亡者攝炁聚神一如告命

須延總三雲至稽首讚詞文

謹上啓寂然梵術天帝降注殤尸冥演由之

炁下為亡者攝炁聚神一如告命

寂然無色宗至一切稽首和

謹上啓波羅尼密不驕樂天帝降注五仙中

靈之炁下為亡者攝炁聚神一如告命

翻翻五帝駕至稽首禮天尊

謹上啓洞元化應聲天帝降注高真冲融之

炁下為亡者攝炁聚神一如告命

應聲無色界至長謝蓋塵張

謹上啓靈化梵輔天帝降注高仙洞笈之炁

下為亡者攝炁聚神一如告命

玄會統無涯至高唱稽首舉

謹上啓高虛清明天帝降注真靈化疑之炁

下為亡者攝炁聚神一如告命

清明重霄上至衆聖共稱快

謹上啓無想無結無受天帝降注自然玄照

之炁下為亡者攝炁聚神一如告命

無結固無情至高觀稽首昇

魂神澄正天尊

向來告行符命宣演王章伏想道元周流神功妙濟有返性還神之力成度人无量之功當願衆魂萬有俱空心無係累一時欣慶升進仙階祇沐道恩來受鍊度

黃華蕩形天尊接下科

安監生司儀

法事 師存神如法

諸天丞相南昌上宮至嚴校諸天

伏聞神居寂默凡有禱以皆通香篆氤氳諒

無求而不應謹焚信香虔誠奏請

東霞木公上相青童道君西漢金真萬炁祖

母元君九天玉輔上宰四協侍宸真君九天

司馬大神希夷善應儲福定命真君司馬注

生真君執籙把籍定算真君丹天 左右救生

真君黃庭二十四戊己真人九天迴骸起死

君監生大神天醫大聖天醫助生君天醫六

職治官天醫十二功曹天醫符醫炁醫功曹

分形博士化形將軍生形將軍扁鵲仙吏尚

藥童子砂石小吏聖藥仙吏生脉仙吏九天

衛房三十六聖母注生君催生君乳母君導

生君生母君三天都禁司命君衛房靈妃天

門紫戶速生君衛房夫人救生玉女抱送衛

房仙女三師夫人門下典者黃閣神君紫戶

大神流光玉女寶室真人三十六真二十四

神狼吏虎黃萬二千神玉籙直符王陸二使

者龜臺素握濮玉女玉部翻解冤結賴使者

蕩穢分胎一行官吏天醫監生合于官衆伏

願傾光迴駕布炁分真羽節霓旌暫離仙境

雲車風馬普降凡筵施全形返本之功著監

真度生之德道香淨茶普同供養

雲輿已降

伏聞赦九幽而罷對宿啓玄科監衆真而度

生尚資神化肅建司存之所恭迎主職之官

伏願鑒此一誠拔茲五苦鳴鑿佩玉俱來自

於帝鄉跨鶴乘雲齊下臨於法席真靈既降

酒醴初陳

黃雲凝靈府 陰陽氣象交 胞元結長命

惡根應化消

惟神精藝入神度人無量月中玉兔搗靈藥

之玄霜日裏金烏進仙丹之火候迴骸起死
度命登真結胎守黃房隱然密衛斬根斷死
尸保爾全生伏願守職效靈蕩屍滌穢生前
疾苦加調理之神功沒後魂神獲超生於道
岸酒陳二酌少見一忱

大帝號陽堂 字曰八靈君 九關回祿道
胎氣生上元

伏聞西鄰用禱誠自可孚南潤采蘋物何必
備仙範恭行於經法靈壇大藏於冲科九鍊
返生水火尚資於交妬三獻成禮酒般義足
以供陳少駐芳筵酒陳終獻

應會感靈數 明道潛回輪 慶此嬰兒蛻
稽首讚洞文

諷經 宣牒

向來文牒宣白已周伏請各謹司存毋曠厥
職全形具體令枯骨以更生蕩穢分胎俾死
魂而受鍊惠施黑壤功奏紫宸少駐靈場佐
宣道化

向來

道法會元卷之二十一

道法會元卷之二十五

堅十

清微玉宸鍊度奏申文檢

奏七寶黃素

具位臣姓某誠惶誠恐稽首頓首百拜

上言臣聞

元始談經啓監真度生之法

玉宸下教演迴骸起死之科今古相傳幽

明晉度臣叨承天化誓濟群生凡有投誠

敢不敷奏今據入意臣領詞虔切理合奉

行未敢自專須至具狀奏聞者

右臣謹謹具狀端拜上奏

玉清上帝元始天尊玉几下

上清大帝靈寶天尊玉几下

泰清大帝道德天尊玉几下

昊天至尊玉皇上帝玉陛下

南極上宮天皇大帝玉陛下

紫微中天北極大帝玉陛下

承天效法后主地祇金闕下恭望

道慈九臣所奏願降

元始符章經錄付臣奉行特賜

敕旨告下 九天三界陰府冥司泉曲羅酆

洞天憲治獄瀆隍社合千真司咸令照應開

放某所薦亡過某神魂併係薦宗祖姻親及

法界孤幽滯爽來臨法會受鍊超生伏丐

降道炁而灌注臣身發揮符篆放慧光而照

開幽獄引接亡魂次丐

宣諭法中陽雷神君荀留古陰雷神君畢宗

遠火鈴大將劉明焚炎符使楊傑太玄攝召

左神烏阿右神塗阿解冤符使顯惡陽神何

昌陰神喬甫三使者七玉女焚龍金龍驛吏

三元五道等神直符王志中陸茂玉女濮茂

鄭都追攝元帥關月地祇上將溫瓊天醫官

將追攝等神鍊度官君功曹符使金童玉女

一合下降協助行持啓科之際伏望

降三境之恩光照臨下土迂九清之法駕俯

鑒齋誠庶俾幽明均承生化上廣

清微之教以弘濟度之功臣千冒

天威下性不勝惶悚之至謹具狀上奏以

聞謹奏

年 月 日具位臣姓某上奏